

錦官內

閣

小

志

附內閣故事

衣爵

志志



內閣小志

附內閣
故事

葉鳳毛
撰

中華書局

叢書集成初編

錦衣志（及其他二種）

中華書局出版發行

（北京王府井大街三十六號）

秦皇島市資料印刷廠印刷

一九八五年北京新一版

開本：七八七乘一〇九二毫米三十二分之一

統一書號：一七〇一八·一五一

內閣小志

此據指海本排印
初編各叢書僅有
此本

國朝仍前明之制。以內閣爲政府。大學士爲宰執。典籍爲首領。中書舍人爲椽。國朝文字必兼清書。故又多置滿員。前明天子拱默。委任左右。故閣臣往往比中涓。作威福。營姦利。雖分權於部。而權益重。國朝擬旨有定例。內外大臣言摺奏。則直達御前。天子親筆批答。閣臣不得與聞。天子有詔。則面授閣臣。退而具草以進。曰可乃下。後首揆必兼軍機。日蒙召對。次揆入見以時。恩禮有加。諸卿莫逮。古者三公坐而論道。後世兵農禮樂。進退百官。一切責之宰相。任非其人。折足覆餗。禍貽無極。我朝聖聖相承。萬機獨理。紀綱整密。權不下移。相臣得以優游坐論。以養其望。蓋遭際然也。鳳毛自雍正八年春。蒙世宗憲皇帝賞延之典。得入中書爲椽。屬吏部。循資轉典籍。前後十年。日覩明良一德。吁咈和衷。慨然想見唐虞之盛。自顧草野賤微。廁身禁籞。依日月。被龍光。非始願所及。兢兢翼翼。勉效所能。相君德同父師。寮案友同兄弟。仰有所承教。俛有所劓厲。拙學疏才。幸無隕越。相君鑑其勞動。將加拂拭。而吏部又循資推郡司馬。適纏滯胃疾。請告旋歸。鍵戶侍親。重理舊業。峽理積學成。信斯再出。而親年垂暮。貞疾作。止無時。忽忽及於衰齒。二十餘年。與農牧爲伍。抱貧賤之恥。是不能無疚於中者也。亡友席君鑿。亦以久處山中。不勝玉堂天上之感。邀同爲小志。以備綸扉掌故。未有以報。而鑿已作古人。時憶其言。輒惘惘不忍下筆。今歲盛夏多涼。暑風竹簾之間。尋思往迹。草成是篇。首志其地。次志其官。次志其職事。次志其儀文。末志其姓氏。自我以前。自我以後。莫得而詳者。闕焉。其大較亦可得而覩已。竊惟官無高卑。敬事則一人無賢愚。欲達則前。今日之在官蒙澤。位顯望隆者。孰非昔日之連茵接席。相狎相優者乎。得者若彼。失者若此。豈盡由時命之

適然哉。余受國恩至深。在中書最久。犬馬依依之情。誠有不能自己者。亦不賢識小之意云爾。

乾隆三十年仲夏前儒林郎內閣掌典籍印誥勅撰文中書舍人隨帶加一級南書房軍機處協辦兩充殿試收掌官推陞府同知上海葉鳳毛自序

內閣小志

清 上海葉風毛撰

內閣署

內閣亦謂內院。因國初內國史院內祕書院內宏文院之稱也。在午門內東廊之南。門西向。入門西爲滿本房。亦謂滿洲堂。東爲漢本房。面紫禁城。黃瓦大屋。兩堂之中稍北垂花門。入門黃瓦大屋爲大學士堂。此三屋皆南向。楹間俱有禁旨堂。卽內三院之院也。堂垣外東偏西向黃瓦屋。爲漢票簽房。稍後向南屋。爲滿票簽房。後小屋爲滿檔子房。堂西垣外向南小屋。爲稽察房。又西隔垣東向黃瓦屋。爲蒙古堂。稍北向東小屋。爲飯銀庫。向南小屋。爲典籍廳。由滿票簽北去。爲內閣。後門正對文華殿。出後門迤東紅牆內。爲內閣藏書籍紅本庫。庫皆樓。其樓甚長。東爲儀仗樂器庫。前朝文淵閣。卽此一帶庫樓。前明書籍畫象醮壇鐘鼓諸物。皆在內閣庫中。余初到閣時。屋皆半圯。雍正八年九月地動。益圯。明年。大清門起至大內。槩加繕治。而閣中大堂煥然一新。後又增小屋一行。

大學士堂

滿漢大學士各三。雍正七年。增尹公泰。陳公元龍。缺出不補。近裁滿漢各一。增滿漢各一。又有協辦大學士。徐公本。訥公親。皆由此卽眞。惟三公泰未卽眞而薨。彭公維新因事去。閣中稱大學士爲中堂。中堂之稱。前代已有之。見世廟職銜。謂在文淵之中也。然見於文字。則曰某揆某相。俗稱或閣老。或太師。如我郡徐階。至今人呼徐閣老。徐太師。不聞呼徐中堂也。國初崑山徐元文。人尙有呼崑山徐閣老者。今則一口中堂。因兼尙書。故秩居三品。雍正十年。特旨升正一品。康熙年間。中堂皆在閣。余於雍正八年春爲舍人。中堂已有內外之分。內則馬

公爾賽、張公廷玉、蔣公廷錫，然蔣公猶隔數日一至。外則馬公齊、後竟家居孫公柱、尹公泰、朱公軾、後亦休

陳公元龍、傅公敏、協辦。惟尹陳二公每日至，郭公爾泰到任後，唯閱散館卷時一至。堂甚寬廣，前後有窗。

廣庭圍牆，雍正八年秋地助。北有三板炕，炕前設八方桌，桌上帖紙一方，薦本。炕上設大枕各一，筆硯俱自。

搗刻年月乾齋以識，不數日，各攜之去。公亦無如之何。坐定，拜唐阿進茗。月茶資三錢，於飯銀內扣除，拜唐

務府授。堂供事呈絲綸簿，上諭奏摺簿，已呈通本部。本閱侍讀學士以下有事白，則上堂。滿中堂與王公

分六大班夜直。中堂則宿於堂後小屋中。中堂到任，若由翰林出身者，先至翰林而後到閣。內閣翰詹班

迎於午門內，設公案於滿洲堂。三處官員以次參揖，翰詹學士揖，中堂出。闔署供事皂隸叩頭已，乃至所坐

堂。滿漢學士序立庭內，迎前。輩中堂在門檻內，迎入供事。先呈吉利本數件，閱翌日，奏行走前後班次。

內閣學士兼禮部侍郎銜，秩三品。雍正十三年，侍郎升正二品。學士求中堂奏如侍郎品級。閣中俱稱爲

學士。滿六員，坐東炕。漢四員，坐西炕。滿學士亦閱本。皇上御門日，清語，御門曰跪於前，讀折本。上閱本，有

則折一角發出，積十數件，降旨御門。凡折之本，節其略數語，翻作清語，諸學士豫誦熟。至期，票簽以綠頭牌列六學士名，欲改簽者，

牌、長尺、闊半之粉面，緣其首。朱其邊。請點一人讀本，點出之人，俟各部院進本訖，侍讀學士捧本上階，訖於是大學

士率學士上階，東面列跪，讀本之學士捧折本置御前。炕桌上北面跪，舉起一本，清語背誦。候上降旨，堂中

復舉一本如前。畢，退侍讀學士升階捧本，亦退。大學士等俱退。講官四員。駕還宮，大學士將所記旨，命

中書舍人繕呈報可，乃繕入票簽更進。此典禮如是，其實改簽降旨無。漢學士職票紅，無他事。雍正八九年間，

學士皆出使。則中書代票。中堂以爲非體。派鴻臚寺少卿顧祖鎮。侍講蔣漣。攝之。票紅。從本面起四行。蓋於字上。

漢本房

漢本房。滿洲侍讀學士二員。漢軍二員。近改爲漢人。京堂缺。侍讀。滿洲三員。漢軍二員。中書。滿洲二十員。漢軍八員。侍讀學士始五品。雍正初。升四品。侍讀始六品。升五品。食六品俸。中書舍人秩從七品。每日通政司送各省本至。漢中書舍人。正一二記籍。授侍讀學士。分發諸舍人翻清。改本舍人勘改。侍讀又勘改。侍讀學士總勘。畢。授滿本房。正關貼有奉清字上諭。由本房譯出交部。其有應行翻譯之事。俱由本房。

滿本房

滿本房。侍讀學士二員。侍讀四員。中書舍人二十四員。又有愛什拉米。中書學習者也。侍讀學士以清稿分發繕寫。侍讀學士侍讀校對粘連。授漢票簽。凡一切碑文冊寶祝版之屬。漢本房主翻。滿本房主寫。

漢票簽

漢中書舍人三十二員。向以俸深司檔者領之。雍正中。設侍讀二員。張正璣。沈青崖。乃始爲侍讀之人也。皆爲道去。於舍人內保舉升用。中書舍人除圓明園直二人。本房一人。稽察房二三人。檔子二三人。副本二三人。俱分三直。人少則併直。夜直十人。以後至者輪直。清晨入閱部本。票草簽以授侍讀。近侍讀以無事清坐不安。乃專票簽。侍讀授滿票簽。翻清。呈中堂閱。閱已。授滿票簽。繕正簽。漢票簽。繕漢字正簽。簽如本面。而差小背尾署

繕者名授滿票簽。夾入本內。通本亦如之。午後。圓明園本至。學士照簽朱書訖。舍人騰入絲綸簿。每條下旁註略節。乃發科。科臣親領出。日直者候夜直至乃退。夜直於申未入。閱通本。票託登部。通本票簽於草簽部。乃寢。詰朝授日直。如非本直日。則退。凡票部通本。俱摘本中語一二行。記於本面。包紙上。內中堂閱本。於本面親署某看二字。本中有加說帖及兩請者。另匣盛。此滿票簽事也。中書舍人有雜寫之事。如太廟神主。宮殿扁額。賜諡。大臣碑文。宮殿對聯。對聯懸門匡。其製寬二寸許。長短視其門。或五言。或七言。或四六句。用白絹寫。其句皆有定式。歲終書之。

滿票簽

滿票簽。向有侍讀六員。乾隆初。積德由侍讀升侍讀學士。應歸滿洲堂。伊仍兼票簽行走。後遂爲例。中書舍人二十員。不分直。由漢本房來者司翻。由滿本房來者司繕。侍讀校對本中有疑。則與漢票簽參議。傳部員入詢。有內發上諭。奏摺。部員入鈔。監視供事夾簽。夾看條。貼浮簽。整束入箱。遞閱。皆其職也。專校劇於他房。其他房雖侍讀學士票簽。舍人可得呼召。三處舍人願上票簽者。由票簽侍讀指名調取。

滿漢檔子房

滿漢檔子房。皆附票簽處。唯滿檔子房在後屋。資深者爲之。滿檔管發鈔。漢檔主記錄上諭。奏摺。

稽察房

雍正間。奏摺寢多。交部議。不以時覆。令內閣立期督責。每月之杪。部以未覆之情告。據而奏之。如摺已繕。

就而部覆上。則帖簽聲明。必日至稟簽檢閱。滿舍人一人。漢舍人兩三人。無夜直圍直。

蒙古房

侍讀學士二員。侍讀二員。中書舍人十四員。司外藩蒙古章奏。翻清進呈。不用漢字。有詔勅下西番。則召喇嘛僧人翻寫。西番文以上下爲行。筆用竹片。如梓人墨斗。由清字翻出蒙古字。又翻出西番字。所謂重譯也。

典籍廳

滿漢漢軍各二員。由舍人資深者補。國初有加銜至太常太僕少卿者。秩正八品。鄂西林每以責重事繁。職升品降。爲乖於制。繕摺奏同侍讀。桐城始畫諾。而面奏太優。止升正七品。內閣惟典籍廳有國防一顆。主文移。與內外大臣俱平行。鈐吏役。國家有大禮。有二科房。吉南。內北廳。若徽號尊諡冊寶。頒詔勅嘉名封號諡法。命將出師。頒印。將軍曰虎符銀印也。遵旨頒給。勘各省換印。頒書籍。請用璽。天子之璽。視所宜而請。今所用者。唯皇帝尊親之璽。上太啓也。皇帝行寶。刻於香木。請出交本房侍讀員而隨駕。洗寶。御璽皆交奏殺太監所司。奏聞後。移文於殿。封印日五殿試策問。繕成篇。再奏准。督匠刊刻。黎明交禮部。讀卷處事宜。庶吉士散館。散館人前到。即請點銜文大。備出師將軍令箭牌票。隨征供事。舍人由各滿房派供事二名。有願去者。各部給經歷照。三年代回。出咨即選各書館文移到廳。查檢用印。各部旗副摺。呈堂收貯。各部旗日所奏事。內閣開。乃奏行之。皇上陞殿受慶賀。則設筆硯於寶座東。典籍舍人侍立。余言之陳文勤公。乃奏行之。皇上陞殿受慶賀。則設筆硯於寶座東。典籍舍人侍立。案右若陞殿受謝恩。則將鴻臚寺送來新除官啓書置案上。

誥敕房

內閣小志

誥敕房在內閣門外會典館之北。滿漢本房司之。五品以上曰誥命。六品以下爲敕命。按吏部來文。填寫草本。京官有加級者。準以加級晉封。六七品不得過四五品。四五品不得過二三品。外官加級。不準晉封。中書科書軸。送閣用寶發部。敕書督撫提鎮將軍學政鹽政坐榻廳。皆坐名。司道副參皆傳敕。不坐名。誥敕四六文。皆刊刻定本。如特命特封王貝勒。則於舍人中之能文者。別撰新文。進呈寫給。

皇史宬

皇史宬在東華門外南。綴正庫之左。其室純磚。整甃。仰視不見梁柱。上覆黃瓦。以石爲門。丹塗金乳。如朝門內石臺。供奉本朝實錄。每朝一箱。箱以銅裹。後兼藏玉牒左右有穴。通明。宬外兩夾廂。中爲二門。外爲大門。門右小屋。居馬法。馬法者。長老之稱。軍校老而未衰者。充補。凡數人。自七品至九品。曰尉。曰吏。歲終爲支。狐皮搭護。典籍之屬吏也。

飯銀庫

世宗皇帝憫內閣清貧。不能具餐食。命督撫布政歲助銀百兩。中堂日三錢。遞降至舍人。日六分。蔣文肅公將已所得。留充內閣本匣紙張之費。各中堂俱如之。雍正十年。山海關進羨餘三千兩。奉旨賞給內閣官員等。學士請於中堂。願一體受賜。人受五十金。遞降至中書舍人。受二十金。因旨有等字。供事皂隸紙匠等亦丐同沾歲以爲常。滿票簽司之。

圓明園

圓明園內閣。在吏部朝房上。宗人府下。獨閉其西向槲子。由北後門出入。避諱也。後門正對御茶膳房。各官齋羹弁僕。俱於此齋下候。中有廣庭。亦植楊柳。南向屋五間。中間爲內中堂。閱本處。余於雍正八年春初授職。猶在此謁見張公廷玉。馬公爾賽。蔣公廷錫。中設長檯二。小竹几二。明年俱坐宮門內朝房。不復出。唯外中堂尹陳二公於御門日來。此少憩。後遂爲滿票簽臥室。西二間爲滿票簽房。漢票簽自構小屋三間於後。北一間又爲滿票簽臥室。啓南一小窗。坐臥木榻。滿漢票簽五日一換班。滿侍讀一人。舍人五六。漢舍人二。供事皂隸各二。每日黎明。滿票簽捧昨日京本。授紅本房進呈。少頃。紅本房將前日本發出。滿票簽檢視納箱。授本房舍人。馳送京師。紅本內如有改簽。則白內中堂。下午京本到。一一檢視。呈內中堂閱過。撤去包面。納匣。候明晨進呈。漢舍人始事甚冗。自余脫園。直設軍機房。其事日簡矣。滿漢本房。蒙古房。俱有侍讀學士等園直。供急遞而已。各儲於附近處。

紅本房

紅本房。在京於乾清門內南書房之右。在園於東奏事門內。俱由滿本房票簽舍人內選用。司出納本章。批清字。如閣中漢學士職。奏事處亦多用中書舍人。非屬內閣。

軍機房

卽內中堂辦事處也。凡內外大臣摺奏。有不交部卽令中堂議覆者。泊廷寄各省諭旨。始皆園直人爲之。有滿舍人舒赫德。雅爾哈善。漢舍人吳元安。蔣炳。頗不換班。長侍內中堂。時西北兩路出師征策妄。戶部

別立軍需房。司官翁藻主之。於是襲其稱。亦曰軍需房。漸易爲軍機房。漸又以房爲處。軍前奏多清文。又命兵部侍郎班第理藩院侍郎那顏奏。人呼曰那大頭。戶部侍郎海望。學士侍郎索柱。在軍機處行走。若舍人然。許大學士差遣委用。後益公慶福公訥親。則儼然爲舍人堂上官。而海望晉尙書。亦呼舍人爲年兄。吳蔣輩陞去。仍兼中書事。後薦引者日多。司官筆帖式。參入人衆。亦如內閣分直。舍人中占侍讀一缺。內外皆增入協辦侍讀。以爲卽真之地。當初有軍需房名之時。在京則在隆宗門外養心殿造辦處。而內中堂張文和公則獨在南書房之西炕間。在園則在宮門外之東朝房。屋甚軒敞。而四空不密。乃移於小東門內之南牆下一堂和氣中。世廟御書。屋三門。甚卑隘。內中堂坐東頭。諸大臣坐西頭。後有小屋。則舍人等辦事之處。申刻大小臣俱退。或在廢園。或僦民屋。或寄僧寺。無定處。亦曰軍機房。蓋以宮門內無夜直之例。一切事俱取辦於寓所也。

中書科

在午門外西六科廊之上。舊爲七品衙門。與六科同。滿掌印中書舍人一員。漢掌科中書舍人一員。漢中書舍人八員。乾隆初裁二員。筆帖式十二員。專司誥命敕命。向例年終奏銷紙張。得專達。雍正初。因六科隸都察院。中書科亦隸內閣。非覃恩事冗時。亦歸漢票簽辦事。近又派內閣學士一員兼攝科事。

學士以下遷轉之制

內閣學士陸侍郎。由吏部開列。侍讀學士陸學士侍郎。三品京堂。或由開列。或由中堂保舉。與金由郎中升學士者漢人。

皆由翰林官。滿侍讀升御史侍讀學士郎中甲科出身亦陞大翰林官漢侍讀推升則郎中有保舉則御史道
府保舉必由滿票簽京察亦然典籍中書舍人陞主事同知則部推陞侍讀必由協辦侍讀近有協辦侍讀亦侍讀別引滿
洲漢軍舍人陞典籍由各本處保舉漢軍典籍止升主事大理寺正乾隆四年呈於桐城亦陞同知舍人
有願往軍機處者由彼處侍讀薦願爲倉差者遇文咨取則向典籍報名由進士出身者遇文咨取學差
亦向廳報名遇文咨取修玉牒則侍讀派往扈從願去者衆助其資典籍印官不扈從滿舍人代充隨將
軍印出征則由滿漢本房照旗分輪派侍讀假四品舍人假五品

滿漢稱謂

內閣曰多爾機衙門大學士爲阿里哈大省文曰阿里大。學士爲阿四罕大。省文曰阿三大。侍讀學士爲
阿大哈大。省文阿大夫。侍讀以下無滿稱文。相呼阿哥。部院官至。概稱夸蘭大。漢文曰長官。滿文曰章京。章
敬尊之曰
夸蘭大。大學士亦以官呼僚屬。蓋以此爲敬。漢屬員於大學士爲師生。舍人於學士自稱晚生。於侍讀學
士自稱學生。

相見儀

滿漢中堂次序。奏請欽定。而入閣之前後輩。其翰林之前後輩。仍各盡其禮。滿中堂不甚分輩行。惟鄂西
林行之。中堂位尊。不與學士爲輩。學士位亦尊。不與舍人爲輩。侍讀舍人亦自論輩。後輩束書侍生。口稱
學生。見必先揖。途遇讓行。會飲告坐後。雖官位低昂。爲後輩者。其禮必盡。學士晨入。趨揖中堂而坐。中堂

有間則起而對。非若部中尙書侍郎敵體也。侍讀學士上堂與舍人同。漢屬員到任遞職名於中堂桌前。三揖。中堂或出位答半揖。或起立拱手。會滿漢學士。則羣出同揖。滿漢學士到任先來各房候。翌日各房上堂報候。

見中堂於邸第。中堂西北隅坐。侍讀以下西面列坐。立受茶。向上揖。茶已復向上揖。有間則起而對。揖而退。中堂前行送至儀門。揖。中堂入趨出。車馬不當其門。見滿中堂。中堂由科日出身者。行漢禮。否則如滿禮。中堂坐炕。屬官坐椅。不揖。柬書名。面書呈。侍讀則書某頓首百拜。師非受業無書百拜者近書部人如是遂皆然面書正。與學士相見平行。用晚生帖。與侍讀學士。用寅侍生帖。與滿侍讀舍人。不序前後輩。若用帖。書寅弟。侍讀與侍讀學士亦然。

供事

供事卽書辦。唯宗人府、內閣、翰林院、都察院各書館爲供事。禮部曰儒士。外曰典吏。名異而實同也。額設六十名。內門堂六名。各房二名。餘俱聚典籍廳。分管南北廳事。舊例捐紙五六十金乃充。乾隆四年定爲考取。既取咨部取原籍地方官印結。結到五年役滿。咨部考職。以經歷以下等官銓選。後有繁缺簡缺之分。繁缺卽得選。雍正七年陳文簡公見堂供事夏景爛於票法。言於內中堂。奏授七品官。仍服役五年。以州判選去。從征供事三年。卽選經歷。供事皆樂上書館。稍食豐。銓官易。然必由各館提調書清字片子來。乃得上館。

皂隸

卽火房額二十四名。紙匠四名。拜唐阿一名。司閩署茶。中堂月三錢。餘官一錢。皆於月費內扣給。

閣中堂屬姓氏

余在閣十年。所事所友。皆滿漢四方之人。有久有暫。有親有疏。舍人中有同直。有不同直。既相聚於一時。皆有同寅協恭之誼。每一念之。如在目前。故不忍不有以志之也。自我以前。自我以後。不可得而知者不具。故不同於昔人之同官壁記。蓋志爲我作也。具其姓氏里居。又詳其以何官去。以何官終而止。不同於柳子之父友石表書陰。蓋余所作者志也。非僅錄其所親厚者也。滿洲旗分。不能悉究。滿舍人中亦多有遺漏。蓋此志出於追憶也。

大學士

馬齊侯爵。康熙間首相。余初任時猶見之。後竟不至。諡文穆。馬爾賽世稱邁公。余初任時爲首喪。雍正九年。爲靖邊。不與事。始日至。後不至。諡。

邁柱由湖廣總督入。日至閣。薨纔六十餘。諡文恭。尹泰由左都御史。與陳文簡公同日拜。未幾。奉旨養疾。今上登極。起

總理事務。加伯爵。查郎阿由大將軍入。協辦。未幾。去。巴泰協辦。未幾。去。三泰由太常官至禮部尚書。協辦。最久。未即真而薨。諡。福敏由尚書在上書房行走。出協辦。後即

眞。諡。文端。內親始以公爵尚書。在軍機處。協辦。出。征金川。坐不親臨陣。於軍前正法。